

آبونه سرائطی

ممالک عثمانیه ده سنه لکی (۶۵)، آلی
آلی (۴۵) غروشدرد .
ممالک اجنبیه ده سنه لکی (۱۷)، آلی
آلی (۹) فراتقدر .

اداره خانه

باب عالی جاده سنده دائره محصوره

اخطارات

آبونه بدلی پشیندر .

§

مسلكه موافق آثار مع المنونیه قبول
اولنور . درج ابله بن یازیراعاده
اولونماز .

الشریفات

۱۳۳۰

دینی ، فلسفی ، علمی ، ادبی هفته لقی مجموعه اسلامیہ در .

صاحب و مدیر مسئول

اشرف ادیب

باش محرر

محمد ماکف

والله یهدی من یشاء الی صراط مستقیم

اتبعون اهدکم سبیل الرشاد

جلد ۱۳

۱۸ کانون اول ۱۳۳۰

پنجشنبه

۱۳ صفر ۱۳۳۳

عدد ۳۶۵

جهاده چیقدی . ایشته هرکیم بوبله یاپارسه اونی جنته صوفق الله
عز وجل حضرتلرینه بورجدر . هرکیم قتل اولونورسه آنی جنته
صوفق الله عز وجل حضرتلرینه بورجدر . هرکیم صوده بوغولورسه
آنی جنته صوفق الله عز وجل حضرتلرینه بورجدر . هرکیم
حیوانندن دوشوب هلاک اولورسه اونی جنته صوفق الله عز وجل
حضرتلرینه بورجدر .

بو حدیث شریفک راویسی سبیره بن ابی فاکه رضی الله عنهدر .
مخرجلری ابو داود ، امام احمد بن حنبل و ابن حباندر .

حدیث شریف

عن ابی سعید الخدری رضی الله عنه قال کان رسول الله صلی الله علیه
وسلم عام تبوک یخطب الناس وهو مسند ظهره الی راحلته فقال الا
اخیرکم بخیر الناس وشر الناس . ان من خیر الناس رجلاً عمل فی سبیل الله
علی ظهر فرسه او علی ظهر بعیره او علی قدمیه حتی یأتیه الموت
وان من شر الناس رجلاً یقرأ کتاب الله لایرعوی الی شیء منه

مآل شریفی

ابوسعید خدری رضی الله عنہک شویله دیدیکی روایت اولونور :
تبوک سنه سی رسول الله صلی الله علیه وسلم مبارک آرقالرینی دودلرینه
طایبارق خلقه خطبه ایراد ایدیورلردی . بو یوردیلرکه : خلقک الک
ایسی ، کذلک خلقک الک کوتوسی کیمدر ، سزه خبر ویره یمی ؟
خلقک الک ایبلرندن بری اویله برکیمسه درکه آتک صیرتنده ، دوه سنک
صیرتنده و آیقلری اوزرنده یوروبه رک کندیسنه اولوم ایریشنجه دک
الله یولنده چالیشیر . خلقک الک کوتولرندن بری ده اویله بر فاجر
کیمسه درکه کتاب اللهی او قورده هیج بر کوتولکنندن واز کچمز .
حدیث شریفک مخرجلری امام احمد حنبل ، نسائی و حاکمدر .

حدیث شریف

حدیث شریف

ان الشیطان قعد لا بن آدم با طرقة ففعدله بطریق الاسلام فقال تسلّم
وتذر دینک و دین آباتک فمصاه فأسلم . ثم قعدله بطریق الهجرة
فقال تهاجر وتدع ارضک وسماءک وانما مثل المهاجر کمثل الفرس فی
الطول فمصاه فهاجر . ثم قعدله بطریق الجهاد فقال تجاهد فهو
جهاد النفس والمال فتقاتل فتقتل فتکح المرأة ويقسم المال فمصاه فجاهد
فن فعل ذلك کان حقاً علی الله عز وجل ان یدخله الجنة ومن قتل
کان حقاً علی الله عز وجل ان یدخله الجنة وان غرق کان حقاً علی الله
ان یدخله الجنة او وقصته دابته کان حقاً علی الله ان یدخله الجنة

مآل شریفی

شیطان آدم اوغلنک بوتون یوللرینی طوتوب درکین اولدی . اول
اسلام یولی اوزرنده کی کینسکاهه او طوروب اوکا : « دینکی ، بالریکک
دینی براقوبده مسلمانی اولیورسک ؟ » دیدی . آدم اوغلی اونی
دیکه مه دی ده مسلمان اولدی . سوکره هجرت یولی اوزرنده کی کینسکاهه
او طوروب : « کندی یریکی یوردیکی براقوبده هجرتی ایدیورسک ؟
مهاجر بیابجی مملکتده آیاغی قا یغه باغلی قیصراق کیدر . یریلر
کچی سربست اولاماز . » دیدی . او ینه دیکه مدی ده هجرت ایتدی .
دیرکن جهاد یولی اوزرنده کی کینسکاهدن قارشینسه چیقوب : « جهاده می
نیت ایدیورسک ؟ جهاد ایسه نفسی صیقینتی به قومق ؟ مالی تلف ایتمک
دیندر . سن قتاله کیریشوب قتل اولوناجقسک . قاری بشقه سنه نکاح
اولوناجق . مال تقسیمه اوغرایه جق . » دیدی . او ینه دیکه میوب

حدیث شریف

عن ابی سعید الخدری ان رجلاً أتى رسول الله صلى الله عليه وسلم فقال يا رسول الله اى الناس افضل قال من جاهد بنفسه وماله في سبيل الله قال ثم من يا رسول الله قال ثم مؤمن في شعب من الشعاب يتقى الله ويدع الناس من شره .

مأل شریفی

ابو سعید خدری رضی اللہ عنہ روایت ایدرکہ بری کلوب: « یا رسول اللہ، خلقک افضلی ہانکیسیدر؟ » دیبہ سوردی. « نفسیہ ومالیہ اللہ یولندہ جہاد ایدن کیمسہ » بویوردیلر. اوندن سوکرہ کیمدر؟ « دیبہ بردہا سوردی. « اوندن سوکرہ اللہ قورقوسندن طولانی وادیلرک برینہ قاپانوب خلقی شرنندن قورتاران مؤمن » جوابنی ویردیلر .

بوحدیث شریف سنن نسائی حدیثلرندندر .

حدیث شریف

عن ابی ہریرة قال سأل رجل رسول الله صلى الله عليه وسلم اى الاعمى افضل قال ايمان بالله قال ثم ماذا قال الجهاد في سبيل الله قال ثم قال حج مبرور .

مأل شریفی

ابو ہریرہ رضی اللہ عنہن روایت اولونورکہ: بری رسول اللہ صلی اللہ علیہ وسلم: « اعمالك افضلی ہانکیسیدر؟ » دیبہ سوردی. « اللہہ ایمان » بویوردیلر. « سوکرہ ہانکیسی؟ » دیبہ سؤال ایتدی. « جہاد » بویوردیلر. « اوندن سوکرہ نہدر؟ » دیبہ تکرار سؤال ایتدی. « حج مبرور. » جوابنی ویردیلر .

بوحدیث شریف سنن نسائی حدیثلرندندر .

احمد نعیم

خیر فتحی

[۲]

(حصن النطاۃ)ك فتح اولوندینی کونک کیجہسی ہمر الفاروقی حضرت تلی، دوریہ کزہرکن بریہودی یا قالا یوب اولدورمک ایستہ مش، فقط اسیرک :

— بنی ، پیغمبریکزہ کوتوریکزہ . اوکا سویلہ یہ جاک سوزلرم وار . دیبہسی اوزہرینہ حضور پیغمبری یہ گہ تیرمشدی .

رسول اللہ حضرت تلی ، یہودی ایلہ شو صورتلہ قونوشدی :

— نہ خبر ؟

— بکا امان ویریورمیسک یا ابالقاسم ؟

— اوت .

[۲] اوست طرق ۱۳۹ نجی نسخہدہ

— بن حصن النطاۃ دن کلیورم . اورادہ کیلرہہ بوکیجہ صاووشمایہ حاضر لانیور .

— نہ یہ کی دیورلر ؟

— (حصن الشق) . کی دوب چولوغی ، چوجوغی اورایہ برافقدن سوکرہ مدافعہدہ بولوناجقلر . بردہ حصارلردن برندہ مانجیق وسائر حرب آلاتی واردر . اورایہ کیردیککزدہ یرنی سزہ کوستہریرم . شو حالہ بن قانمی باغیشلا .

— قورقا امینسک .

شو مخبرک ویردیکی افادہ دن سوکرہ رسول اللہ افندیمز :

— یارین سانجانی برینک آلیہ ویرم حکم کہ او، اللہ ایلہ پیغمبری سہودیکی کہی اللہ ایلہ پیغمبری دہ اونی سہودر وحصارک فتحی اونک آلیہ میسر اولور . بویوردی . چونکہ : بر قاج کون مبارک باشی آغریدینی جہتلہ ہرکون اصحابدن بر ذاتی قوماندان تعیین ایدرک حصارک اوکنہ کوندہر مش ایسہہ فتح میسر اولاماشدی . ابرتہسی کون اصحاب کرامک ہان دہ ہیبی رسول اللہک قارشینسہ کجدی ، عجباً سانجانی بکا ویریری ؟ دیبہ کوزینک ایچینہ باقیایہ باشلادی .

حتی حضرت عمر دیورکہ :

— اوکونکی کہی ہیچ بریرہ قوماندان وامیر اولمانسی آرزو ایچہمشدم . بنی کورسون دہ تعیین ایلہ سین دیبہ رسول اللہک قارشینسہ قالقوب قالقوب اولوردم . رسول اللہ حضرت تلی :

— بکا علی بنی چاغیرک . بویوردی (سلمة بن الاکوع) قوشدی و حضرت علینک اُلندن طوتوب حضور پیغمبری یہ گہ تیردی .

بوتا گری آرسلانک کوزلری آغریدینی ایچین اوزہرلینہ بریز صارمشدی . رسول اللہ افندیمز ، اوزنی چوزوب مبارک اللہی علینک کوزلرینہ سوردی . معجزہ اثری اولق اوزرہ آغری و صیزی کجدی ، علینک کوزلری تمامیلہ انی اولدی . بونک اوزہرینہ سلاحلاندی واسلام سانجانی آلوب مجاہدینک اوکنہ کجدی .

حصارک اوکنہ کلینجہ یہودییلر جیقوب مدافعہ یہ قالقیشدییلر . ایلک اول (حارث) اسمندہ بری ، میدان مبارزہ یہ چیقدی . واسد اللہ حضرت تلی ، قوشوب اونی برقیلیچدہ یرہ بیقدی . یہودییلر ، قورقوب حصارہ طوغرو چکیلدیلر . حارثک قاردہشی اولان وپہلوانلنی ایلہ اون آلمش بولونان (مرحب) ایلری یہ آتیلدی ، لکن علینک قیلیجیلہ اودہ یہودی اولولری آراسنہ قاتیلدی . قیلیچ ، مرحبک باشیندہ کی طولغہنی پارچہ لادقن سوکرہ قفا طاسنی ایکی یہ آیرمش وا کسہسی ایلہ دیشلرینہ قدر انمشدر [*] مرحب دن سوکرہ دیکر قاردہشی (یاسر)

[*] بعضیلرینک روایتنہ کورہ مرحبک قاتلی (محمد بن مسلمہ) ایسہدہ صحیح مسلمک ضبطنہ نظراً حریفک حضرت علی طرفندن اولدورولدیکی محققدر .